

梅月堂集

二



8

oportunitas

終日悠悠獨往還
綠林高下鳥間關
媚人春色濃於粥
訪綠尋紅似未閑

東風習習吹無盡
枯者重英臭者香
若也天工有私意
野人那得此春光

立春

重出存第七卷
溷州日錄第三十五文

節序自移換
窮山今立春
老年嫌甲子
遇夜守庚申
雪色薰窻白
風光拚柳新
誰知幽寂境
亦有不羈人

春耕

深山布穀鳥
燒火事春耕
家檣雖云苦
安閑

間未免招物謗從此歷代主禍芽自內長北門
醜聲振漁陽笳鼓盪皆不謀涓涓竟致掀天浪
鳳翔納胡骨掖庭勤毬響仍之唐祚衰貞觀徒
緬仰闍寺擅大寶藩鎮守邊壤二百九十曆委
靡難側掌三宗稱英主王魏稱良相然而責備
多可擬三代上披帙閱興亡掩卷出遐想似我
生其世乍喜乍惆悵往來不憚煩孰云千載廢
感我隅目啼鳥趨林莽

王莽

梅福逢萌遇漢衰掛冠捐產向何之三

綱已絕

終難救九法將隳竟莫為燕雀處堂相與樂
麟跳網孰能羈見機而作惟君子危亂之邦不
入宜

古今真偽混難分誠者先諳疾避羣恰似日中
看黑白猶如淨室別蕪薰聽言觀行人焉度應
物由中過莫文可惜漢家多少輔醇醪於莽不
知醺

龍何遊浪瑞何呈盡墮妖坑卒莫明窪井丹書
迷國脉蠻天白雉眩輿情那知漢業傾當世遂
使周公笑後生
試自為皆若此不堪讀史憤

愁并

漢宣帝

宣帝中興卅五年寬仁大度已備然申韓法律
尋前躅王伯功名混後傳極憤要荒優接待堪
嗟宦豎典承宣大抵責備於契重啓後衰徵可
避愆

讀光武紀

雲臺列將會風雲桐瀨癯翁竟隱淪士負清高
難可屈人惟智勇易為伸清高蘊德終無敗智
勇售才勢必臣賴遇遠圖光武帝韓彭前世深

銘鑰

精忠旗

兩箇精忠字親書御墨淋昵承天寵渥眷荷聖
恩深獵獵揚胡塞翩翩出帝禁平生素負氣此
日罄吾心

不獲金俘醜何心漢地還誠湏回二聖志欲掃
羣姦北地雖生釁南天尚閉關看旗思戮力敵
愾覲天顏

風沙數幟文赫赫耀黃雲胡虜瞻爭喙王師擬
益勤望天懷五三軍盡命供臣職何

論計策勲

夷齊三首

紛紛湯武後來多想得夷齊先見何縱救生民
塗炭裏細論功過已相差
商紂臣民億萬心如斯二士政難尋冀回西伯
重註誤叩馬危言意莫禁

岐陽鳴鳳耀初輝回顧朝歌事已非
食粟已為
慚節義不妨餓死首山薇

哀班師

生平負壯志膂力誰敢當
讀書學兵法曾貯孫

吳腸挽弩必挽強用箭必用長射敵期射馬擒
賊期擒王二聖苦遭患蒙塵醜虜場南朝亦未
寧新次蓬艾防為臣可忍看涕泗橫沱滂何以
稱帝命何以報寵章朝朝勵士卒日日磨斧斨
期欲掃妖氛恢復我土疆如何泛濫雲擁此天
日光矯詔遽班師此意誰共詳生當還虜域一
掃盡攬槍死願為厲鬼必斫讒夫昌皇天佑我
宋必無如此殃人臣湏効節死生其可忘

哀文山三首

國破家亡意若

一身計轉蹉跎崖山浪倒

天方蹶燕地風塵
差大宋既無餘版籍
胡今欲止干戈可惜
二百年前事竟作漁樵一

曲歌

素患堅貞志不移可忘平昔讀書時
從容就義寧終斃苟活偷生豈敢為
犬豕一朝生朔漠風濤千丈起南陔
孤臣何必多言語死耳寧論死
後知

嗟嗟胡羯迫驅牽南望崖山路幾千志
大欲能肱捧日才踈寧得掌撐天生前
有舌雖言語歿後無心著簡編唯欠一
死那更問委身君國志

專專

四皓翁

有翁有翁四皓翁須眉皓白腰龍鍾衣冠竒偉
神色醜昔年商嶺避祖龍採芝高隱深山峯漢
家定業頭雖顛輕士善罵難相容漢欲求公公
藏踪何自賁然來遊從調護太子仁孝恭卒定
漢嫡培漢宗高祖已與趙王留情鍾非可口舌
徒相訕畫計出自留侯曾不爾孝惠何由逢有
翁有翁四皓翁何時重卧商山松不復謾歌歌
踈慵商山猿鶴窳齊還來楚

卧龍三首

四海滔滔遍刃鋒
士遭黨錮競潛藏
若非徐庶思扶漢
誰識南陽有卧龍
漢家宗子起從戎
氣壓英雄雅度洪
三顧草廬謙下士
卧龍奮起逞奇功
遭遇風雲便起騰
預論勝負卒難憑
當時諸葛成何事
堪笑能言有薛能

隆橋履

有履有履隆橋下
可以履霜步晨夜
有翁有翁鬢鬢形
容侷偉真大家
喚却厮兒忍輕辱
跪

以授履觀其竒復呼兒兮期早來嗟嗟重約多
失時三期來早授異書太公兵法無人知又喻
讀此行諸身十年可為王者師異日尋我穀城
下一塊黃石非余誰子房懷袖手不釋適見豐
沛龍興時封留佐漢報韓仇竒謀一勝虞騅悲
有翁有翁誰氏子有履有履何其履履道坦坦
幽人吉若非子房難着綦

留侯引

人知子房謀未識子房志謀漢報韓仇相漢魯
無意功成勇退棄屣願從赤松遊保

全是能事人知
識子房智擇齊三萬
戶猶如草芥視封留亦可足何用功名利韓彭
受蘊醢寵祿造物忌有功不自伐處身甚清閑
人知子房智未識子房義已蒙漢家恩擘我中
心恚終企呵方不慕將相地竟招商嶺皓以
固儲副位不獨為韓忠計漢亦不二子房一生
業其來必有自一卷素書中子房行事備無事
試一覽不過正其誼知足又知恥永永無顛躓

哀蘇武二首

旄節脩脩落北風
遙遙南望上林鴻
漢家文物

撩心曲胡域旌旗厭眼中飢啖鼠腸除草實渴
嚙雪片下蒼空李陵衣把相看淚天地有窮悲
不窮

降邊衛律罪通天虞殺辭連勝預焉拔劍虜庭
寧自刎牧羊海上孰相憐李陵縱道無歸思常
惠何期誑鴈傳落日胡笳聲更咽他年未料得
生還

看史謾題

山深寂無譁幽鳥逐林莽風恬天籟息松竹靜
無響細讀前代史是朗誰知千載情耀

我方寸上善喜
喉有褒賞淘汰激揚
間彷彿貯遐想我
燕趙士慷慨徒俯仰古今
一何遠天地一何廣置我在其中
掄擇在我掌
我若居其世措置擬何嚮
佇思瞠眉間政爾忘
惚恍悠然有所得錯綜辨參
兩恨不施當世歎
息多悵快捫蝨一長吁
落日穿書幌

詠東國故事

金侍中騎驪訪江西慧臺上人

頭上紅塵三尺飛簪纓
常恐履危機爭如霜竹
江西寺一味禪窻無是非

鄭中丞謫居東萊對月撫琴

旅魂羈思正堪憐
身落南荒瘴海邊
落魄此生誰肯信
多情明月照繁絃

郭翰林冒雨賞三池蓮花

廉纖細雨濕青衫
乘興三池禁醞酣
前喜六郎偏愛我
清香來惹玉堂簪

金居士雪中騎牛遊陂巖

雪裏騎牛信步行
江山千里散飛瓊
袁安僵卧不干意
那及鄭公橋上情

題江陵獄

吁嗟麟也出非
年過獵師不是宣尼
傷一撫千秋萬歲謂麕麋

懷舊

憶舊遊

浮碧樓高秋水深
畫船笳鼓動江心
如今重憶
曾遊處陳迹依稀成古今

憶故山

樓迹王畿已有年
故山歸夢正依然
雲收鰲背
千重岫風定鯨波一葉船
長有梅心懸眼底可
堪蕉雨滴窻前
春來筍蕨年年長
應有英靈待

我旋

紀地名念昔遊也

大同魯北渡薩水望歸舟鴨渡遼天遠魚川香
嶺浮樹平豆滿野波闊老江隈沿下晴川口關
西一葉秋

右關西

臺嶠青萬疊楓岳白千層國島波雷壯叢亭石
柱稜沙明三日浦苔蝕六書陵渤海連天關三
山藥可仍

嶠或
作峯

右關東

律湖秋水滿碧
平望遠山無等程
遙谷有鶯香
航豐沃溝霜橘映
長城遵海南遊處
珍山玉果榮

右湖南

慶州已經廢
安東曾避戎
清河逢聖瑞
際海遇仁同
真寶山河固
玄豐德化隆
醴泉流湛湛
珍貝到龍宮

右嶺南

多山川險谷而境壤
戶口繁夥人才頗出

懷東都

故山猿鶴思依然清夢頻驚已數年日射鰲頭
峯展盡煙開鯨背浪滔天自緣身病不能去無
復世情相累牽歲暮欲歸歸未得碧雲秋樹月
城邊

與四佳亭阻隔已久探箱得詩二首遙憶
彌多因和其韻

采藥山中春復秋一身無喜亦無愁遙知六街
驅馳者不覺紅塵沒白頭

窻透朝陽愛日
端坐欲無言維摩曾漏

文殊印雲滿青山

望雲思人代人作

齊之書云此詩題云望雲者此狄梁公之意而

望之者娘子也本韵云芳草溪橋立馬時那堪回首白雲思深源樹老嵐光碧

紺岳煙收晚色奇山下人家倚綠竹水邊漁店颺青旗春風無限江南思北望

悠悠獨來詩

北望白雲多少時箇中情緒不堪思嵐收紺岳

千重碧天淨澄波一色奇羨酒千鍾曾解陣愁

魔百萬未降旗春花秋月無窮恨令我催成樂

首詩

春風雨露惕人時此恨如何蓋勿思朔北鷓聲

啼怨苦漢陽柳色鬪鮮奇深盟的的明如日長
恨搖搖蕩似旗尊姥在堂無恙不梨花夜雨得
新詩

東山秋月正圓時照盡多情兩地思半夜寒蟬
聲壹鬱中庭枯樹影離奇已逢刀楯降愁陣可
得當壚揭酒旗地闊天長音信阻梧桐葉上自
題詩

偶題

圖書只在故山房千里遙程意渺茫朴氏舊城
多野草崔公廢宅
篁歸心政似搖搖旆留

恨還如咽咽蠻東
包乘小艇松柯東偃蔭
苔墻

挑燈話舊

夜深山院手挑燈
笑語團圞話與僧
不是將心來問我
從教人世漫騰騰

時事

有人逢施愛之叛
於永安逃竄山谷生還
因其語以紀之

干戈猶未定四海尚紛紛
露宿依林下風餐走
海邊那知仁義域還作犬羊天
桑梓生還幸吾

今已息肩

旱甚

由來物命管天公天不矜民萃蘊隆蜥蜴可能
興霧雨虹蜺那解隳西東一原稻畝乾將裂中
谷糴田旱欲烘誰致咎徵瘳萬類吾將八翼問
蒼穹

野人

喧飀知異俗入覲幾時還首長無先後兒童慣
馬鞍腰金錐頂玉毳服更毛冠自喜王恩大來
參萬歲歡

怕旱

前年仍怕旱今歲尤焦枯安得鞭雷公滂沱蘇
六區古澗絕清響山石如烘爐燄氣蒸為烟漿
汗流肌膚願賜一勺水慰彼黔黎徒

頌歲稔紀古老語

聖上御皇極四境無邊聲干戈載戢韜瑞霧凝
神京休徵各以時禾黍吹如雲城中米價賤絲
管聲紘紘大平既無象願慮城為隍不驕天祿
永不侈財不傷祿永國祚長財阜民庶昌朝廷
絕歛臣道路無豺狼野無遊手人高岡鳴鳳凰

平陂易所戒莫言今大康古今顛沛者歷歷皆可紀只緣驕侈心慎終不如始處泰不能戒昇平其可恃

宮殿

宮詞三絕

桐花已謝玉階傍人靜香銷月轉廊百尺轆轤聲正緊羊車疑過屋西廂

不語脈脈度春宵臂上守宮無日銷洞房深鎖禁漏永梨花夜雨聲蕭蕭

手拈青杏打鶯兒
吾千般誰得知爭似案上

金鴨篆年年默默
大壩

陵廟

讀

健元陵碑

吉夢先呈金尺祥皇皇太祖奄東方人民已罷
螟蛉毒軍士皆勞率五行仗義回軍天祐德存
心事大物歸昌貞珉此日休煩讀清廟笙歌有
頌章

健元陵

九原陵廟草芊芊想像功成事赫然鴨綠江頭
忠貫日崇仁門裏霧連天玄宮杳杳三千載黃

壤悠悠億萬年
眷我嗣王同地
久歲時蕉荔永
明蠲

顯陵

皇考成章三十年
民瞻繼志奄登仙
已欠桂子璿源籙
只見龍飛國史傳
清廟餘香添宿火
佳城荒草繞輕烟
落花啼鳥空山裏
石馬無聲松

桂天

欠當
作無

武侯廟

古廟荒涼樹老蒼
臂弓撚箭據胡床
猶生扶漢吞曹氣
不腐攻城敵敵腸
側耳似聞先主囑
搖

唇如吐出師章蘇文忠食書題壁知是南陽忠
武堂

耿耿丹心死不磨令人遙想便咨嗟一生功業
今安在滿眼風光瞥尔過忠武有心猶未就尚
瞻無命欲如何至今聞者空搔首塵世從來欠
事多

岳王廟

細推今古事堪悲奸佞忠誠世莫知秦檜孰為
能誤國岳飛皆道可班師分明曲直天何默先
見安危理不欺同是一團泥土滓九原誰復辨

妍媸

鷺鷥殘照叫寒林
慘淡空山生夕陰
真偽難分天又暮
存亡未辨夜將深
宋朝冠蓋皆歸虜
上國山河半入金
自古浮雲能蔽日
竹風松月苦蕭森

一夜霜風悴敗蘭
平生忠義是危端
岳王苦死芳愈烈
秦相全歸骨尚寒
紙半張能分潔
溷名千載可別蛟
蚘爺爺莫恨生無狀
留與忠誠沒後看

題人居室

題正叔書廳

何處秋風至，蕭蕭動客吟。
寒蛩依壁上，墜葉點庭陰。
月入簾櫳靜，香殘帳幄深。
有詩聊可和，移席撫床琴。

昨日狂風起，高秋葉墜林。
短檠移枕上，好句當閑吟。
放曠非關世，怡愉不待琴。
支頤成假寐，萬戶動寒砧。

戲題元部將家壁

彥實家園花幾般，只有鳳仙、
鷄冠、初看炫目久，乃俗大莖、
小莖堆闌干。元氏本來殷富，
子種

花治生亦如是但取繁庶不以簡乃積乃倉如山峙又見兒孫如立竹森森戲闕射蓬矢繼紹箕裘若螽斯乃知非俗即是社彥實初聞艷然變至是開頤笑且喜雖然莫作守錢虜天錫爾富翼用耳且須沽酒十千盃爛熳花庭開樽壘與賓盡日醉徘徊知爾貯儲非鬼財若也學取河東民彥實雖富其俗哉

居室

葺松檜以為廬

倚巖架小廬僅得容我軀落葉以為氈枯查以

為櫺葺之兮松檜室小心愉愉雲霞為帳幄碧
山為屏風猿鳥為伴侶得我心所同我是放浪
人夷猶雲水中物性亦馴擾飲豕依枯叢願結
歲寒盟行樂無終窮

山村

一簇人家傍翠微翛然清晝亞柴扉將雛燕子
迎風
龍孫得雨肥麥穗搖如雲翳翳楊
花飛似雪霏霏芒鞋踏遍村南北細細薰風吹
葛衣

吾廬

從來吾亦愛吾廬野性偏宜水竹居問字僧來
隨說字投書人到勉酬書溪流淺碧迷芳草山
色舊葱擁古墟遠矚遐觀皆自得吾廬佳興足
瀛壺

癡溪室

蓮花峯下小溪邊卜築團茆浩氣全霽月光風
涵物像請看牕外草悠然

精研太極先天圖便識先生味道腴卦未畫前
馮翼始不知亦有伏犧無

孔孟道學已陵夷征戰之餘老佛披疊惑人君

傷世道天生賢者樹民彝

閑適

、掃葉

掃葉聲中午夢驚起看東嶺白雲生
直將魚鳥無心趣剝得烟霞不世情
簾外菊香人正靜庭前苔潤雨初晴
無端起我悲秋興細讀離騷心未平

窓日

滿窓紅日可人心
方丈維摩道力深
不語正襟危坐處
一庭松籟是知音

耽睡

竟日卧耽睡懶慢不出戶圖書拋在床卷帙亂
旁午瓦爐起香烟石鼎鳴茶乳不知海棠花落
盡千山雨

閑興

淵明嗜酒杜陵詩天地無涯生有涯閑據枯梧
仍不寐白雲吹散月如眉

閑意

終日倚窻軒蕭然不世情庭花掃更落階草剗
還生地僻少人事山深唯鳥鳴將何消永日移

枕近書檠

坐卧

坐卧消長日無人地更偏
春風無厚薄桃李自
年年

笑浮生燕慶岑寂

自笑營生薄而無長者風
客至從無語貧來任
固窮題詩聊遣寂
擲筆欲摩空老去壯心在
欣聆松院風

偶成

檉葉深深布穀啼
山深五月尚淒淒
朝來霧重

巖光潤晚後風過樹影低老境唯思身似鶴病
餘方覺面如梨平生習氣消磨盡未斷醉倒花
下迷

醉鄉

醉鄉日月亦佳哉依舊狂心傑且魁身世浮游
微似稊乾坤濩落大於盃二豪侍側從教傲千
丈流胸薦地來一斗百篇兒戲耳何人會得醉
鄉恢

閑適

自少無關意而今愜素心種花連竹塢蒔藥避

崇陰苔蘚人蹤少
琴書樹影深
從來樗散質更
與病侵尋

閑意

莫道生涯薄
苔錢散一庭
孔方兄絕契
管城子通靈
曉日明書榻
山雲擁草亭
小軒風露冷
蛟蝶夢回醒

高眠

拋冊高眠夏日長
扶踈樹影映書床
要知自有清虛福
爐上熏殘一炷香

午寢

茅屋脩脩午夢長
高低花影轉西廊
隔簷燕子呼來醒
方覺身遊華胥鄉

排甌

清寒鍊士少風情
手排瓦甌邀客迎
不識青眼看世人
擬將警句相嘲評
地僻山深人不來
鷓啼白晝猿夜鳴
松柯亂繚倚蒼石
半老踈枝風濤鳴
道人自有幽居趣
不與俗士同條生

據梧

我為主人物為客
相對無言坐終日
眼前萬物自有趣
紛紛紜紜終有秩
奔流歸我我取捨我

轉萬物物來謁鳥啼花落澗泱泱木老巖高雲
蒼蒼不與塵世競角逐爭剩得造物無盡藏休言
隱者少活計應用酬答尤匆忙

山中

山中與猿鳥共結歲寒盟有意芒鞋曳無心竹
徑行園中瓜瓞長墻下薜蘿生舟舟百年內都
忘寵若驚

坐茂樹以終日

老樹如虬布機陰科頭箕踞正彈琴斷猿無日
不清叫幽鳥有時遺好音白石了無塵土想清

風曾之往來心閑居終日忘人世清隱山書幾
度尋

濯清泉以自潔

清泉鳴咽作琴聲流下澄潭靜不鳴徹底澹於
冰鑑淨映空明似玉壺清濯纓濯足從吾好觀
水觀瀾任意行魚鳥亦知余所樂得忘機處便
忘情

睡起

山窻瞥飛鳥朝日煖如烘書冊紛紛墜塵埃細
細蒙香銷銅篆冷火烈竹篝融喜聽厨人語蔬

甘豆粥濃

不出

不出杜山門前峯下
廉羣床前鳴蟋蟀
庭畔有椿萱
馱客常稱疾
勞煩欲默言
小窻誰是伴
安息一爐熏

即景

即事

蜻蜒款款立
風蒲小雨初晴
草木蘇睡起
南軒成獨倚
一天涼颯落庭梧

蘆原即事

草綠長堤小徑斜
依依桑柘有人家
溪楓一抹青烟濕
十里西風吹稻花

即事三首

杳杳喜鵲繞松枝
正是南窗獨倚時
身世兀如槎泛渚
不妨看菊和陶詩

爐上烟銷簷日移
紙窻寒透冷侵肌
廣文氎席何曾暖
却恨才名買得癡

張翰都忘身後名
即時杯酒占平生
夷齊孔跖俱塵土
不及柴桑醉似泥

即景

深山伯勞鳴火麥動秋耕每怕風霜早仍憂
旱并瘦藤緣樹老細草覆墻生倦客閑消日
扶藜晚逕行

途中即事

一村蕎麥熟十里割黃雲歸思西風遠千山日
已曛

喜晴

雙燕呢喃報午晴庭花爛熳綴紅英槐陰濃綠
可人意天色清和諳鳥聲簇簇野雲如卷絮浪
浪巖溜似鳴箏日長庭院渾無賴自酌新泉煮

小鑪

清晨

清晨何以慰飢腸
藜藿新蒸黍
飴香白屋自甘
冰氏困青山
不受熱官忙
鷓啼北嶺雲
猶濕鴉起東林
日已黃
餌藥學仙都是妄
安心箇是越人方

晚晴

雨後山容碧
雲收霽景幽
草根虫有語
花底蝶生愁
露重松枝曲
風微木葉柔
茅茨更清絕
林外有鳴鳩

曉起

曉起看庭宇
庭宇整且肅
婀娜海棠花
美艷隨風落
雲歸巖壑靜
鳥啼烟蘿碧
自喜放曠人
林泉甘寂寞

即事

東山雲起西山雨
北岳斜輝南岳風
一道石泉鳴作惡
喧轟吹落半天中

晴景

小池荷葉能翻白
別院鶯翎細
鞞紅乳燕雙雙
來巧語青泥坊底
苔泥融

即事

滿庭花木最清幽
風送南軒五月秋
忽覺靜中生
意鬧數竿斜日一聲鳩

曉起

老去苦夜長
愁來清吟少
山禽報五更
喜看窻已曉
起來晒東方
明霞何縹緲
露墜青蘿長
雲卷遠山澆
頓覺遺世人
閑情頗清悄

即景

竹筍初尖松子團
櫻桃半熟杏添酸
桐花風送黃梅雨
惱我竹房清夢闌

曉望

朝登西山亭千村煙幕幕江水澄且明泛泛舟
一葉遠山點可數輕霏霽丘壑因憶龐德公鹿
門采靈藥羽人如可仍吾將訪名岳

明窻曉望

金門五夜曉鐘撞簪笏朝天驟馬雙為祿為身
相並話那知無語坐明窻

朝日

朝日蘸紅霞雲間玉柱斜蒼涼升海域奕赫遍
天涯透隙塵堪數烘窻暖可賒負暄仁已盎况

復慰梅花

晴景

落盡長春褪海棠
邇來風雨惱人腸
龍門峽口江波闊
雉岳峯頭雲影長
鼎鼎年光催老境
萋萋草色送微涼
可人霽景渾無礙
喜見鳧鷖浴小塘

即事

布穀啼深樹前村
桑葢紅濃雲峯上下
踈雨埭西東
懶覺身無事
衰知酒有功
已得歸歟興
江山屬此翁

曉意

昨夜山中雨今聞石上泉
窻明天欲曙鳥聒客
猶眠室小虛生白雲收
月在天厨人具炊黍報
我嬾茶煎

朝日

朝日照欄干鮮麗光可悅
浥浥草上露團團手
可綴東峯霧初霽磊砢丘壑列
醒然心爽壇身
輕秋隼掣灌我園中花庭除掃
令潔凝然夜旦
氣方壹未接物但使至日昏勿為形所拂
聖賢
如此耳匪遠最親切嗟哉行役人孜孜莫踐末

晝意

驟暄草色亂紛披
睡覺南軒日午時
更無世緣來攬我
身心鍊到化嬰兒

即景

天街小雨細於絲
徒倚南窻和古詩
燕子日長無介事
一雙蝴蝶弄花枝

記即事

啄木丁丁山更幽
一軒風露似新秋
西峯返照東峯雨
巖照不盡千里眸

薄暮

怕風棲鵲鬧松枝天氣層陰日暮時雪打明窗
清坐久更看山月上城陲
爐灰如雪火猩紅石鼎烹殘茗一鍾喫了上方
高卧處數聲清磬和風松

曉霽

朔風吹曉雪初晴列壑崢嶸萬樹明趺坐蒲團
初睡覺皚皚一色沒階平
長枝偃亞小枝垂宿鳥初驚雪落時紅日煖簷
尤可愛喜聞融溜滴茅茨
凍雲和雪抹重峯滿樹梅花昨夜風點點落時

煩我耳打窗聲作撲飛蟲

曉色

滿庭霜曉色
淩淩巖溜無聲疊
作冰老鴉附枝
迎旭日凍雲依石
襯踈藤閑中詩
與棋為崇病裏
茶蕪藥可仍紙
帳氎床初睡覺
篝爐火氣暖騰騰

曉霽

夜來微雨霽
空山露濕芙蓉月
一彎古木斷崖
猿鳥外蒼藤白
石水雲間行裝
草草只雙屨身
世悠悠歸八還
紙帳素屏清似
水博山消盡鷓

鷓鴣斑

昨夜銀河洗有聲碧天遼闊月空明滿庭松葉
毵毵落遶砌泉流歷歷鳴飲豕十年同鶴化踈
慵終日看雲生最憐雨霽空堂靜信手拈碁子
落枰

日暮

日暮長天碧雲收列岫明砌蛩愁更語庭草剗
還生地僻絕來往山深無送迎支離誰與伴床
下看虫行

夕露圓蛛網流螢入燕巢細烟浮草際缺月上

松梢杜口絕排難逢人能解嘲小堂秋色淨落
葉墜衡茅

開窓即事

亂山空翠濕人衣林靄蒼蒼帶晚暉縹緲鄉關
何處是天風吹斷白雲稀

魏闕迢遙邃九重豺狼當道寂人蹤皂囊曾貯
治安策深閉茅廬學卧龍

堂宇

樂真堂

壯歲功名老便休茅居風味政悠悠秋深海國

饒魚鮓霜重山城繞橘頭居寵若驚今已矣浮
生如夢更知不旁人要識真中趣仁者從來自
不憂

內外分憂喉舌臣如何投紱卧溟濱人推不起
蒼生望公願無違鶴髮親托疾山林陶宰相居
貧閑適晉遺民殷勤為報君須記咄咄今非樂
我真

風爐歛鉢臙樗危縣帳楮衾物物宜應便床頭
燒拙楫朝來屋角曝晴曦有花何必開三徑得
饌寧須計二時天許樂天非我做莫令儻忽鑿

吾癡

葛巾芒屨日棲遲
事事雍容取愜時
酒但怡神寧爛醉
詩纔遣興可焦思
犬迎舊客無羣吠
風奏閑琴自詠詞
偶爾成文條理在
令人愁殺魯宣尼

幽齋寂寂日如年
槐夢醒來化國邊
甲熟光陰難把住
梁炊名利易推遷
香醅新漲葡萄嫩
銀膾初開蛺蝶鮮
北舍南隣連結社
太平痕在醉扶旋

城郭

市街

紛紛車騎正喧闐舞館歌臺接市廛樹色遶城
三十里江流入海幾千年嘉賓宴罷倡優散太
守歸衙將吏旋况是太平無事日人人扶醉盡
樓前

田園

遊園

滿眼青山繞菜畦青青蘿菑葉初齊十年慣却
修場圃剩聽鶉鳩枝上啼

田家即事

一間茅屋倚山岡
場畔翁姑語正長
未解平生榮爵祿
只誇年歲富農桑
溪橋日晚牛羊下
秋壠風高禾秫香
待得兒童沽白酒
旋炊菰飯喚人嘗

門靜鷄羣豕晚禾初
聞南舍釀新醪擊壤歌罷
催科少賽社人歸醉舞多
區芋脆來兒共掘香橙熟
處手親搓老翁喜說秧田
熟叱犢驅牛荷短蓑

西崦人家社酒香
村童來報老先嘗
妻挑野菜和根白
兒摘山梨帶葉黃
不識干戈事
征戰唯

知耕耨足稻梁田家所樂將何事寒背蓬廬曝
大陽

農家

禾黍離離瓜瓞垂野人籬落豆花初山城薄酒
墻頭過水國香菰月下炊庭有落花慵執帚門
無劇飲懶當楫田家一味真坦率賽罷場頭笑
語時

草盛豆苗稀

我有數畝田高下依巖碕種豆蕪不治草盛豆
苗稀仰天歌嗚嗚靜言思古人人人生行樂耳富

貴勞我身我身勿復慮
否泰在蒼旻衆人正喟
噓世我相矛盾細和淵
明詩乘化以歸盡

耘苗

長鑿草屨步南岡
十畝禾田半是糧
雲水十年如倦鳥
林泉穩處任飛翔

山禽

石田多犖确高下半
藤蘿地薄多生水畦
危不長禾飢鳥鳴樹
杪羸犢卧陂陀縱是
山深處年年可免科

梅月堂詩集卷之二

目

梅月堂詩集卷之二

七

梅月堂詩集卷之三

仙道

訪友於三清宮適醮立冬

雲散長空星斗寒瓊章讀罷禮天壇
玉皇降處圍香霧金母來時駕彩鸞
寶磬有聲人寂寂瑤臺無累月團團
三清醮畢門重鎖照殿青燈徹
夜闌

登三清宮

上帝高居玉座遙羣仙濟濟列層霄
碧窻縹緲香烟繞絳闕森嚴翠羽翹
滿院松濤醒俗夢一

庭霜彩滑雲橋天光甚邇無聲臭垓北玄機亦
孔昭

夜宿祭署感懷

至道渺難名實理常一致俯仰曠無垓只有天
與地天高何所極地厚何所依茫茫不可辨浩
浩難析微人生於兩間靈智知彰幾明則有禮
樂幽則有鬼神鬼神不可測本無形段身云何
有兩歧紛紛為質真中華出伯陽西土生能仁
各言所得心異說難重陳栖栖東魯翁衰周生
不辰祖述追三五示民以彝倫自從王綱頽大

道轍斯阻異言入人耳淫泥莫能曉遂使平常
道高議凌冥藐渺渺指心性恍惚起言表捷徑
一以開靡然世爭許仁義為迂濶爭趨夸大語
至于魏晉間物情傷時危風流江左輩鋪張潤
其辭聖謨與竒言為駢為指枝事無二可行理
無二可安一藥一是病誰析其倪端悠悠想千
古渺渺良可歎漢帝求神仙元皇焚道藏佛心
稱蕭武釋教亡會昌敬者是何心壞者云何意
安得叫九原歷歷問其志永懷達申朝古壇號
松吹

遊仙宮贈柳別提

我亦常時放浪民偶登琳館禮真人一樽玉蕊
瑤池醞兩卷黃庭紫府珍窻畔折殘陶令菊壁
間斜掛謝公巾玉京秋夜朝天返淡月踈星繞
帝宸

贈道士

玉清壇上退朝還環珮珊珊態度閑靈寶度人
殮六氣黃庭換寫養三關竒香滿竈晨成藥異
氣浮空夜入班乞我半升鐺折脚年來我亦黃
溪山

贈三清監點

玄都觀裏看花郎詩賦風流耀一鄉
暫屈玉堂揮翰手來參貝闕煉砂房
洞門深鎖看周易丹竈牢封禮紫皇
異日登瀛攀鳳袂刁圭分與濟黔蒼

別道人

團藥相話無窮盡綠水青山望望遙
何日重期松榻下十分清話握吹毛

凌虛詞

碧落無雲天氣清踰躑時聽步虛聲
十二樓上

吹長笛便是神仙白玉京

朝餐沆瀣暮流霞須信凌虛有作家
下視塊蘇嗟渺渺大鵬飛少蠖蠓多

清晨騎鶴上清虛洞闢紅雲玉帝居
特命弄臣宣紫詔朗吟天篆一行書

左界無雲種白榆廣寒宮裏舞仙姝
泛槎銀海波瀾瀾金闕瓊樓是帝都

人間無地不風波八翼凌風是大家
下界蜉蝣寰宇窄塵埃萬丈賺君何

釋老

贈峻上人二十首

峻上人禪門老宿初於湖南有可隱之
處住錫數年道力既成歷遍雲水忽過
京洛士女輻湊望風而靡所化無同乃
因名宰及善信居士固請因雅適大願
訖復遊湖南容儀有道骨焉僕於壬申
夏制弭錫曹溪遂同住上社臺果如素
聞其慕道超脫之心著於語辭之表每
日扣問禪關語琅琅然因其曩日探翫
景却掃數聯以資碧峯清澗眠食之一

味拈翰走爾

其一

南山紫翠鬱芙蓉寺在曹溪第一峯
萬古乾坤雙草屨百年身世短瘦筇
有時對月看僧話何處焚香坐枯松
要識吾師真面目竹林西畔石橋東

其二

翩翩一錫響空飛五月松花滿翠微
盡日鉢擎千戶飯多年納乞幾人衣
心同流水自清淨身與片雲無是非
踏遍江山雙眼碧優曇花發及

時歸

其三

只愛青山不愛名青山相對可忘情苔痕一徑
白雲鎖花影半窻紅日明澗暗但聞泉浙瀝峯
回剩見月虧盈葛藤三尺無人和付與隔林幽
鳥聲

其四

一炷清香一卷經一輪孤月一溪聲鼎中甘茗
黃金賤松下茅齋紫綬輕漂渺煙霞心與潔嬋
娟水月性常明閑眠盡日無人到自有清風撼

竹檻

其五

肯學參禪求出離真空笑我又相欺爭名塵土
渾無意放志江湖已不疑榻上坐聞松落子林
間行見竹生籬只將枯影飄然去綠水青山何
處期

其六

有身何處不為家甘分青山試一嗟雨後荷鋤
種瑞草風前扱衽採胡麻一窻明月一窻徹千
里浮雲千里遮好向煙霞君莫出小溪流水長

蘚花

其七

八萬峯頭月欲昏
曙光和霧落庭除
半溪雨夜藤花老
一逕春風芋葉齊
松子打窻雲入戶
苔痕繞砌竹穿階
世間甲子知多少
唯有空林山鳥啼

其八

終日芒鞋信脚行
一山行盡一山青
心非有像奚形役
道本無名豈假成
宿霧未晞山鳥語
春風不盡野花明
短筇歸去千峯靜
翠壁亂烟生

晚晴

其九

楓岳高仞十二峯峯頭石簷掛枯松塵紛却是
郭郎巧世事盡隨蝴蝶空桂子落時殘照薄楊
花飛處晚山濃蒲團獨坐香如縷愛聽楓橋半
夜鐘

其十

空色觀來色即空更無一物可相容松非有意
當軒翠花自無心向日紅同異異同同異異
同同異異同同欲尋同異真消息看取高高最

上峯

其十一

恠來無事可馳奔時有清風來掃門春鳥弄成
絃管節晚山濃作畫圖痕滿庭天篆幽禽踏八
尺人文涼簟紋情慮萬般都殺了夜深風趁一
窻雲

其十二

夜闌孤塔月徘徊人靜蓬窻風自開蝴蝶夢中
雲縹渺子規聲裏月崔嵬一瓶一鉢無心老萬
水千山得意回自怪俗人渾不到春風養却綠

莓苔

其十三

十年江海走風塵笑向青山入夢頻
世上縱榮爭似隱朱門雖貴不如貧
客稀竹架懸蓬榻菴靜松梢掛葛巾
獨坐無人堪共話桂花萱草是嘉賓

其十四

幽鳥一聲啼曉烟當門松檜碧連天
十年人事隨流水半日風光空杜鵑
詩句每因閑裏得禪心多向靜中牽
青山強對癡然笑明月誰分落

小泉

其十五

半生江海友如雲今日相逢道味真
飛錫獨行潭底影敷床數息樹邊身
四千經偈留胸臆百二山河轉一塵
氣味蕭然無與話煮茶鐺水細

鄰鄰

其十六

楓岳香峯惣有名從師我欲問無生
寒溪已了八千偈山鳥更和三兩聲
瓢鉢擎來山月靜鶉衣掛處暮雲輕
有人若問安禪處流水一軒花

滿楹

其十七

參透禪關話葛藤
列峯如戟碧層層
尋根拔蒂君知否
摘葉尋枝我不能
藥杵聲中敲翠竹
茶鐺影裏點紅燈
自然會得禪家趣
肯向傍人說上乘

其十八

一吟一吟復一吟
青山慣識去來今
風吹蘿蔔脩清供
月照梅花伴古心
千里海天橫縹渺
百年身世寄浮沈
滿庭涼葉人無見
寂寞竹房生

磬音

其十九

翩翩一鶴自無蹤擬住修禪最上峯歷歷金鉆
猶解虎團團瓦鉢已降龍平生豈解愁塵事到
老惟知樂大空未識吾師何處去落花微雨獨
携筇

其二十

豈作人間糊口客自言曾住祝融峯心凝半夜
梅花月道響深山樹葉風禪旨十編曾了議玄
關一句已窮通平生蹤跡人誰識問法方知不

落空

贈善行題詩軸

年來四十又加年於世無聞道未玄汝作桑虫
逾二紀我如春蟻已三眠閑中猛省前非事夢
裏常吟今是篇商也起予終古語清風明月勸
加鞭

待梅公不至

月出東峯亂鴉啼高低樹影壓階西黃昏獨坐
敲棋子剪燭新詩手自題

贈敏上人三首

少年上人敏其名，眉目稜稜秋水清。言和志雅
佩蘭英，意高心小懷琚瓊。蘊藉風流無與方，一
見可解千人腸。怡怡微笑似春風，落落挺立如
秋霜。人人仰止若高山，不敢容易窺其傍。雄文
學韓柳，雅句師李杜。竒談雜老莊，筆法傳石鼓。
我已懔懔四十年，却笑空費屠龍錢。那知草詔
玉堂手，隱几翻經開北牖。伯仲壘篋是上人，登
岸莫教靈運後。一語理會如庖丁，百世誰能出其右。

自到山中五寒暑，左顧右眄無與語。恰似孤鶴

豕蒼苔空懷萬里雲水阻春花秋月可怡神山
上白雲為我侶我欲彈古琴調高絃絕無知音
我欲唱清歌陽春白雪無人和我我萬丈蒼崖
心日往月來兀如瘖兩耳聊聊抱幽獨空聞草
堂簷溜滴喜子遠方惠然來淹留數月清談劇
蕩我十年勃鬱腸置我無懷華胥鄉君才磊落
不可敵我膽輪囷難可抑兩人對笑山花開數
朶青山濃欲滴

有客有客美如英年未三十文藝精翩翩雲鵠
繼鍾王顥顥驪珠優盛唐白雲堆裏携我遊偶

然別我還神州神州茫茫三千里遊絲紛紛惹
行李遺我春愁千萬緒快哉遙遙向南浦南浦
春波綠可染可浣一段春懷苦中年作惡知幾
何那似別爾穠啼處十年浪遊山水間烟霞痼
疾怕寒暑壯志未消筋力疲恰似瘦鶴空軒舉
萬卷圖書老此山願子歸來吾遲汝他年煎茶
石澗邊衫袖共拂青山烟

敏上人問諸伴來問道

君看清淨道不為塵所染只緣念欲生竟為諸
相掩所以先聖戒懲念又窒欲此是徑庭處君

子須謹獨情欲一乍萌為他所桎梏天竺古先生
斷髮雪山嶺只為諸衆生泪沒不自省即脫
九章衣勤修六載靜厭彼聲色娛愛此龍鱗境
願保淡泊心期取一朝惺始知濟人船元來是
解艤

與南方僧期雲門山

有僧自南來道我雲門好雲門何所有蠟梅春
前早更有千竿竹踈踈翠不老可以嘯其下蕩
此輪囷懷我聞喜欲顛撫掌起徘徊千載子猷
竹萬古和靖梅聞者莫不竦立彼頑夫懷餘年

身若健且去雲門隈梅邊架小屋竹下評敲推
之子倘有意抱琴時往來

嘲僧鼯

鼯聲如雷驚四隣名山何處息渠肩坐禪精進
常逃者入里求齋蓋闕焉多約癡朋同住錫每
看眊俗說因緣閻羅不是無心物為此童頭受
苦煎

送人感別三首

有僧
覲親

幾度思親淚洒衣如今喜得故鄉歸故鄉歸去
政秋晚黃菊花衰楓葉稀

牛頭山下水初肥野艇風恬一葉飛花岳清平
高幾丈浮空滴翠濕征衣
月溪水色碧於藍小雪山峯削玉簪記得上人
飛錫去行裝淡淡鎖晴嵐

夜坐看經

一炷香殘秋夜深蛩聲月色攬禪心百年人事
不可計三世妄緣無處尋庭樹正愁風露勁山
禽似話洞雲侵蒲團紙帳清於水閑展禪經閱
古今

題昇曦道人詩卷

斜拈慧刃剝雲鬢霜竹禪心世莫攀節義可傳
良史筆清閑堪透祖師關香添金鴨烟初細鏡
匱青奩綠尚斑奉筵空門無一事緇塵澹寂淡
花顏

素屏烏几擲金鈿靜坐蒲團閱妙蓮月白祖庭
行道後雲迴猊座講經邊物持佛法無多子實
際高風有幾傳千古芳蹤音韻聞嘉名今又產
緇田

獨樂亭前罽酒漿金仙床下換茶香名高列傳
言非爽道透禪燈韻已彰流水浮雲三世過落

花帝鳥百年忙操心澹泊真無累貞靜佳蹤沒
不亡

和敏師惠襪韻以謝

信手縫來綴細繩一縷一懇竟難勝若耶溪上
雲門寺白鞵青藤為子登

綠水青山一逕苔無人尋我碧巖隈傍簷山鳥
如相識閑啄空庭亦不猜

示學梅二首

雲淨風寒月未圓新年景像富毫端捲簾積雪
明林嘯入夜溪聲繞塔壇詩欠可人筒在擯碁

無敵手子藏槃嗟噓縮頂誰將伴紙帳梅花仔
細看

學梅髡者學詩書家在昭陽江上廬斷織有親
新覲到論文無地已叅余松如翠蓋雲如絮霜
似瓊糜月似梳點爾與吾曾有夙青山穩處必
從渠

贈梅師

青燈夜剪話團藥思在烟霞雲水間風舟舟時
偏月白水潺潺處剩雲閑一生名利蠶成繭百
歲生涯香度槃我欲與梅同策杖龍泉福地任

盤桓

逢梅又別四首

上人別仲夏阻話數旬餘花岳山深處春城水
漲初倚門時斫額望月又長歎却喜重携手今
朝更別余

今年霾雨久凶歉問來方江水幾篙漲菜田應
盡傷天事既如彼人情那敢詳關東磽薄地官
租可能當

鳥飛返故鄉瀟洒動行裝納納江山遠行行道
路長昭陽秋水碧花岳晚雲涼我語君須省山

僧忙不忙

聞說清平洞青苔白石間山深梨栗熟巖靜鶴
僧閑君去幾時返我歸當共看如今分袂後楓
葉正爛斑

問珠和尚

東國禪林老安閑壽且願賓頭眉秀白那律眼
生疵已許先王愛多為貴戚知而今無恙否戀
慕向方馳

喜息入選見訪贈

有羨息禪和三韓遠旅人曾參釋氏子已背素

王民屈曲青藜杖
縵縵白壘巾
生涯唯此外
不蓄一微塵

送牛上人遊方

手錫一介藤飄然
何處去楓城
千萬疊碧苔
澱芒屨
槲葉滿山徑
幽鳥聲無數
暮扣白雲扃
蕭蕭半山雨

有僧自寶蓋山來有作

東州千古地
曾是泰封關
寶蓋雲如繖
菩提月似盤
危藤縈棧道
飛瀑漱巖間
因憶曾遊處
秋風葉正殷

誠之來學人天眼目

菩提涅槃路非遥
蔡介工夫莊半朝
一句透時千句透
聖心消處妄心消
祖燈似續皆吾分
心印傳持不外邀
但得惺惺方寸地
何論三句與三要

、和四佳先生韻示微上人

春山何處訪精藍
萬丈蒼崖聳碧潭
流水落雲觀世態
碧松明月照禪談
杖頭烏兔跳九過
江上峯巒刮目參
踏遍諸方應得道
斷然一笑善財南

得丸和尚執明帚坐花間擬去蜘蛛網以
嬉以和尚之意戲作

山家無事自清閑萬事縈心捲不關只有花梢
蛛結網生憎礙却蝶飛還

贈靈光僧

遠自靈光郡尋叅首二州跣趺明月下偃息碧
峯頭桂熟常收子蘭生不作疇今朝向山去行
色正由由

與僧話舊

古潭清且淺倒映半山峯石老多苔蘚沙明有

鶴蹤林深棲宿鳥洞濕出潛龍望久須深著應
聞半夜鍾

送尋隱上人歸故山詩卷五首

放浪形骸自任便有時閑卧白雲邊杖頭挑出
三千界眼底攤回十二緣松榻坐來山月靜石
床定處桂風旋無生若問還應錯相對忘言已
落偏

碧山深處結茅菴菴下澄澄萬丈潭行處嬾從
雲共去住時閑與月同龕煎茶小室烟生厨采
藥遠峯雲滿籃不二法門怎麼認前三三與後

三三

厨作
竈

一身閑倚白雲端
菴在虛無滴翠巖
百鳥銜花春寂寂
孤猿捧鉢月團團
十年蹤跡江湖夢
千里行裝雲水癡
自到山中渾鍊洗
而今渴飲又飢餐

上人住處鐵關東
無數名山翠靄中
滄海微茫雲淡淡
仙山縹渺日曈曈
白雲杳與紅塵隔
凡眼難窺法界空
欲覺禪心無可擬
秋風吹斷桂花叢

不見上人今數年
相逢風韻政依然
眉毛剔起

風霜換袂齒刈餘歲月旋北教南禪渾剩語先
迷後悟入枯禪從今不踏千差路更向碧峯深
處眠

送僧還鄉

遙指家山携影歸短筇高與塞雲飛臨歧泣洒
濕秋色不盡西風吹別衣

次清隱韻

早把形骸寄碧山聲名終不落人間東皇別借
春消息花笑柳眠閑又閑

送悅上人遊五臺山五首

上人遊歷處雲水轉清新
斲藥朝兼暮繙經秋
復春名韉雙敞僑世界
一微塵漫拭頂門眼
閑盡古今人

五百禪林秀文章道義新
藏無價美玉現有脚
陽春虛室離纖翳靈臺
絕點塵超然遊汗漫天
地一閑人

團藥數日話且喜免如新
節操逾於雪曾襟渾
是春大鵬搏九萬孤鶴
離風塵多我愛幽趣偶
逢人外人

拉我飄然去長亭柳色新
野花嘖白晝山鳥語

青春迷悟緣些子仙凡隔兩塵未能逃世網羨
爾遠遊人

驢別皆簪笏琅環一軸新瓶將三島月錫入五
峯春古鏡還成累虛空亦足塵青山與綠水真
箇本來人

醉次四佳韻贈山上人

山中無紀曆景物可能知日暖野花發風薰簷
影遲園收霜栗後爐煮雪茶時且莫窮籌筭百
年推類茲

洛山寺贈禪上人三首

一見清標似舊知，羨牆面目已多時。
節操落落松筠態，容止昂昂鸞鶴儀。
禪榻靜看滄海月，茶泉閑擾碧潭螭。
從師問道他時去，積賢玄眸肯刮鏡。

方丈蓬萊指顧中，白雲黃鶴馭長風。
蜃樓影壓鮫人室，金刹光穿海若宮。
談笑降龍無底鉢，經行伏虎有鈇筇。
崑中宴坐天花雨，塵世浮沈轉眼空。

賀賀人間萬事非，欲從莊列學三機。
浮生有恨風燈變，浪死何裨鷁鳥飛。
天女供茶香厨淨，山

猿攀鉢道腴肥何緣恒聽無生話石室松龕共
爾依

洛山丈室座下五首

海上青峯映海心高僧宴坐藝檀沈涅槃講處
神頑石利利交時復道林喜我有緣叅法席感
師不鄙喻圓音遙知娑謁龍來聽第一華嚴口
口金

禪師高峻有機鋒曾破提娑六相宗明月清風
難共友高山流水少人逢半窻翠竹蕭蕭雨滿
砌黃花晰晰蒼蒼若問西來端的意不妨拈出豁

人曾

永嘉右族世無震拋累年來學語唯寶陀山前
瓘虎伏蔭婆海畔毒龍降芒鞋竹杖禪生計經
卷香爐戒慄幢長老心源人會不一輪明月照
松窓

舍兄及弟擢儒林阿弟傳燈契佛心覺帝素王
同一軌竹笙桐瑟備諸音十年螢雪窮經達萬
劫檀修悟道深若問功夫同與別將無同外更
何尋

難水亭前狎泛鷗義湘臺畔看扁舟禪心淡行

如蒼海法相雍容似白牛老去頂顛應有眼閑
來雲月更無儔波聲山色微塵偈無智人前說
夢休

書佛祖軸

新相知似舊相知傾蓋清談十二時何處見師
真面目天雲瓶水錯言辭

贈仁上人

人日到新寧晨興未盥櫛忽有一山僧袖詩來
告謁讀詩十四篇一一皆佳作上語語道德下
語語民俗迥無蔬筍氣孰不芻豢悅道可雙惠

能詩能兩靈徹桑門久彫喪傳道百無一師也
兩蕪之我何不刮目旭日照東軒山川半晴雪
師也還故隱青藤雙白足我又入紅塵泪沒愧
心跡

路入橋山傍茂林有僧飛錫下遥岑相逢一笑
兩無語酒盡溪頭生夕陰

送仁師還鄉二首

君寓奉先寺我處漱雲瀑兩地苦相思遠別轉
悽惻路入秦地雲山回洛東曲君行正八月丹
楓悅人目公嶠月正圓永川禾已熟目注復心

想此地我曾歷風物政不變江山宛如昨季鷹
江東心歸情多孔棘有誰止杞之遥遥淡行色
我今繫一隅欲從末由適唧唧似蛩吟我思殊
偈及願子好歸來慰我情寥閬山堂待君旋日

暮倚脩竹

納納乾坤遠迢迢行路遙驛程秋色饒落葉鳴
蕭蕭之子返故鄉俊鶻搏秋宵千里故人情兩
耳鳴聊聊離情正佗僚况復鳴寒蛩君期苦無
遠我望良獨遙屏營衢路側贈以白雲謠日月
有弦望北斗亦有杓安有長往者會當相消搖

努力崇明德皓首相勉劭

贈正上人六首

道人筋骨飜筆力生雲煙已逐遠公志岩壑時
飄然出山未經旬猿鶴愁纏縣君乎早歸去莫
使英靈愆

道人夜挑燈謾題詩一篇膏煎聲涕唧詩思流
如泉香殘知夜永露冷認流年心地已澄泓世
事那能牽

今夕復何夕共此燈燭光漫漫夜苦長日入簾
帷涼熠燿點我衣蟋蟀來我床但得了無生遮

莫憂無常

龕燈欲明滅直到三更月玉階流螢度銀渚飛
鴈橫鴈飛又螢度往復如周行之子獨憇寂煙
景誰相爭

草虫鳴啾啾蒼鼠鳴唧唧磊磊闐闐間簇簇煙
林碧鼎鼎好光陰鞦韆載車轄勸君且短檠更
撚鬢一握

汝擊祿藤床我作歌一章爾汝各保到身世如
星芒墨子悲絲染詩人讚羔羊宜爾勗爾儀福
祿宜爾康

贈道安字高世

韜光高世道常安足躡雲崖萬疊山此去萬回
應自笑三清福地任盤桓

贈僧

牢關難打破佛祖皆喪命若從官吏問彼此膏
肓病

題熙上人詩軸

拙楮燒紅葉相言語所思孤燈數夜夢茅屋十
年悲急處方舟渡平時滾泳之重陽今已近相
嗅菊花枝

隱逸

幽居

幽居卧小牀靜室一煙香
夜雨林花潤梅天風氣涼
葉濃禽語警泥濕燕飛忙
何以消長日新詩寫數行

山居

山勢周遭去江流縹渺迴
一鳩鳴白晝雙鶴啄青苔
拄笏看雲度吟詩逼雨催
我如陶靖節守拙碧雲堆

訪隱者二首

白石蒼藤一徑深
三椽茅屋在松陰
紛紛世上無窮事
不入伊家一寸心

自說生來懶折腰
白雲青嶂恣逍遙
松風吹送山前雨
一朶紫荊花半彫

幽居四首

架巖小草屋
碩人之所軸
入洞寡輪鞅
遊門有麋鹿
懶甚少行邁
筱齒莓苔綠
鉤簾忽回眸
雨洗山似沐
春神亦有意
鋪錦披花木
萬物各得所
吾亦樂幽獨
散慮任逍遙
雲水幽趣熟
興盡却成倦
清風動窻竹

有庵在空谷山水麗康莊松栢龍鱗細芭蕉鳳
尾長月呈千古燭風送六銖香不用干名利唯
宜早退藏

白日山堂靜踈簾有好風莓苔酣雨綠花木媚
春紅採蕨清溪曲搬柴碧洞中自從逃物外榮
辱夢都空

自甘雲水寄閑情不管頭邊歲月更枕席忽驚
生爽氣碧梧經雨散秋聲

尋隱

香山

日照觀音峯縹渺生白煙洞壑何嵌嵌松栢叅

青天因憶龐德公採藥尋鹿門一隱不復返千
載揖清芬我亦個儻人托迹青山雲已避世俗
紛願拒虛頭羣松蘿石龕中藉草為青氈八萬
四千峯借問何峯好松梢掛殘帛任情浪遊遨
與修禪者同隱

山石何磊砢樹木何翦藹中有八尺房開窻聽
鳴瀨與爾話禪心東峯籠細靄緬懷東林公不
出完溪淙逸矣千載下企仰思芳蹤芳蹤不可
追踵武在渠儂願保歲寒心共滌塵煩胸坐久
月初上碧澗吟驪龍

瑩道舊來訪論道

老宿骨毛異幾年坐道場相逢話葛藤慧刃刮
我腸流出三昧海源源無盡藏真性不可見可
見乃妄想見彼不可見此見曠而敞普照無邊
際虛空無有像但了如是法即是大方廣山筆
海為墨不可窮言象此其大略耳師推過此往

巖竇

煙生巖竇深禪榻護檀林不許俗塵雜多為猿
鳥尋苔侵一徑細雲擁半山陰誰識有嘉趣已
忘生滅心

習之山居四首

野草幽花各自春十年行脚眼中塵
一聲啼鳥破閑夢鼎鼎光陰惱殺人

樹陰翳翳落閑庭卧看峯巒四面青
箇是山中無熱惱石罅泉響自泠泠

一林紅葉警秋霜鴈點清空綴作行
最是禪心凌靜處笑看峯頂白雲忙

紙帳蒲團土堦温南窓紅日暖梅魂
道人手劈龍茶餅煮雪清瀾注小樽

寺觀

題梅公房

綠樹陰濃夏日長
高仵簷影入禪房
梅師偃卧睡初醒
時見藤花垂短墻

山房即事

蠨螋何事負螟蛉
盡力提持苦上楹
紅蓼深深飛蛺蝶
青蒲獵獵立蜻蜓
病餘自喜身初健
老去堪驚髮又星
悶極不知書大字
布衫翻倒插花瓶

題壁

水落山中尋古寺
前年掛錫又今年
頭邊日月

跳丸過眼底，星霜飛鳥遷。
破屋何妨容此幻，淡餐且可樂吾天。
興來支杖經行處，風樹鳴蛩咽似絃。

題少林菴

禪寂無塵地，逢僧話葛藤。
身如千里鶴，心似九秋鷹。
石徑尋雲到，松窻獨自凭。
無端更回首，山色碧崢嶸。

春遊山寺

春風偶入新耘寺，房閉僧無苔。
滿庭林鳥亦知遊客意，隔花啼送兩三聲。

題知止師房二首

披雲一上最高峯
雨歇溪山斂彩虹
入夜更添無限興
清風明月碾蟠松
月明如畫山家夜
獨坐澄心萬慮空
誰和無生歌一曲
水聲長是雜松風

遊神護寺

稽首歸依佛
天台十六僧
煙霞容貌古
水月性天澄
小篆清香起
浮屠異氣騰
南無諸聖者
神力可能憑

遊仁王寺

境以人而寂人閑境不煩仁王近城市佳境勝
山門古井藤蘿暗荒城草樹繁我来留半日聊
與可人言

遊樂岸寺

寺在涇江岸煙蘿石壁間水深魚極樂天淨鳥
知還西海雲如絮東城月似環漁舟何處到來
泊荻花灣

古寺

古寺近閭閻居僧乞米還庭有閑花塢門垂古
鐵環金軀蛛網罨石砌蘚花斑日暮喧雞犬南

隣夕靄間

白石寺

老僧高卧掩松關白石山房百慮閑
車馬不來門逕小一雙幽鳥語綿蠻

開天寺

碧雲深洞裏喜見古招提
寥落山門靜盤迴石
逕迷兩山松櫟老半壁夕陽低
到處皆佳麗禪心未易擠

鳳尾寺

萬丈蒼崖上荒涼有梵宮
定僧依竹塢睡鴨傍

蘆叢山影涵虛碧波聲漾半空道人挽我袖一
宿聽松風

遊懸燈寺

蘭若最深處荒涼松竹幽石泓秋水淨莎徑晚
煙收古佛偏青眼閑僧亦白頭江華方外島不
必問瀛洲

宿寶禪寺

寺壓澄江江水清高仞山影映澄明居僧住久
忘塵世慣聽滄波今古聲

宿開慶寺

青山影裏杖扶携，蕭寺何妨與鶴棲。
十里煙嵐浮遠岫，數聲風鐸度前溪。
僧耽午睡杉廊靜，客愛晨鍾松榻低。
香火千年真福地，建元陵畔一招提。

題清平山細香院南窻二首

朝日將暎曙色分，林霏開處鳥呼羣。
遠峯浮翠排窻看，隣寺踈鍾隔嶽聞。
青鳥信傳窺藥竈，碧桃花落點苔紋。
定應羽客朝元返，松下閑披小篆文。

夕陽山色淡還濃，倦鳥知歸趁暮鍾。
碁局不收

邀客訪丹房，慵鎖倩雲封。
方塘倒插千層岫，絕壁奔飛萬丈淙。
此是清平仙境，趣何須唼唼問前蹤。

古寺

古寺丹青剥，空庭草自生。
蝸涎盤壁上，蠹粉落雕梁。
廢砌花無主，虛簷月獨明。
興衰暫時事，遊此一傷情。

龍泉寺

梵宮牢落似村家，茶罷鐘聲散暮鴉。
松檜陰中僧入定，薜蘿垣上蘚生花。
雲飛屐上思靈運，風

動帽簷憶孟嘉耐可息心如惠遠朱覺粉壁鑽
煙霞

遊遠迹精舍

穿雲策杖破蒼苔古木陰中一逕開
山鳥亦知遊物外故來閑惹草根回

節序

中秋無月二首

小窻秋雨落庭梧風掠藤床酒半壺
庾亮樓邊光黯淡袁宏渚畔影模糊
天香已隔塵凡眼寶鏡誰藏雲錦燭
此夜清懷誰與語更教歌吹蕩

天衢

待月中秋獨上樓
姮娥無奈被雲羞
白鷺翅底霏輕霧
丹桂叢邊展細疇
底事西風妬明影
不勝寒雨產涼颼
遙知玉兔擣靈藥
篩下青冥散
莫收

紅葉

秋霞剪作淺深紅
青女多情巧不窮
點點欲燒殘
照外層層如畫亂
山中數行書字悲
心事幾
个牽愁落晚風
莫向秋深怨零落
東君應又綴殘叢

新霜

碧空如洗綴踈星風緊千岩半夜霜細細玉花
粘古瓦團團瓊蘂點苔墻侵於沙月偏教白着
到山林損却黃蕉葉已殘荷柄折餘寒更作凍
銀牀

九日

九日獨何日怡然愜我情行看籬下菊緬懷陶
淵明笑撚茱萸枝遙憶杜子美落帽龍山頂千
載風流士展才滕王閣萬古腹藁子斯人邈以
遠此日年年有登高且遠矚醕酹白衣酒慷慨

且狂歌為樂當如何徘徊望不盡長空一鴈過

悲秋

秋風索索動林葉秋氣淒淒零露滴輾轉藤床
夢不成起看星斗光錯落已看金井碧梧驚更
聽芭蕉踈雨滴人間萬事亦改換紈扇無情勿
復怨君不見古來多少悲秋者盡是平生抱幽
恨豈獨宋生賦不平季鷹命駕思蓴羹百憂關
心秋夜長况復蟋蟀鳴西堂試擬離騷不自聊
庭梧雨打聲蕭蕭

七夕後一日有感

昨夜歡娛惚是憂
今宵又動一年愁
河深烏鵲橋初斷
天遠嬾娥恨不休
蟋蟀夜吟能促織
梧桐雨滴解悲秋
人間兒女渾無賴
肯有心情贈巧不

中元

新秋天氣稍淒涼
節屆中元設道場
奉佛梵聲遵竺禮
招魂密語効些章
在天明月人隨影
入耳涼風客浣腸
赤壁蘇仙何處去
銀蟾依舊莫消長

秋夜

悄悄無人共吟餘倚竹床
蛩聲來枕上螢火度
任墻懶後詩情淡閑中
興味長慘悽不成夢
蟋蟀語西堂

七夕三首

銀河耿耿露團團碧落煙收
天宇寒一夕佳期
雖脈脈經年勞別正博博
月明牛渚星初轉雲
淡鵲橋情未闌為語今宵
休促漏曉來應怕動
征鑾

玉京秋夜月如梳青鳥初傳
一尺書烏鵲橋邊
拋錦字姮娥闕外動鸞車
蛛憐乞巧絲初掛客

問支機事已虛別恨歡心俱未斷五更風露正
愁余

長空秋月欲圓時牛渚煙銷一夜期百子池邊
憐愛縷九華燈下錦雲帷誰家初晒藏書腹幾
處新成乞巧詞莫道天孫離別恨人間多有苦
相思

七夕

烏鵲橋邊路正賒銀河清淺浪淘沙人間乞巧
何心看怕見扶桑一抹霞

秋懷

井梧搖落早蟬鳴滿眼秋光拂晚晴暑散已嫌
筠簟冷風來渾覺葛衣輕庭空墜葉飄還起天
闊浮雲滅又生一段清愁消不得那堪床下語
蛩聲

秋日

庭際無人葉滿蹊草堂秋色轉淒淒蛩如有意
跳相啣山似多情翠又任世事到頭之者也閑
情輸却去來兮欲談細話誰將伴銷得南山一
杖藜

秋晴

秋雨初晴枕簟涼小窻時復閱篇章吟三千首
有餘樂想五百年無此狂漢水風煙迷蝶夢華
山雲月沁詩腸邇來嗔客關門坐不覺莓苔侵
短墻

九月九日夜聞雨聲至曉天氣稍寒晨起
則晴而益勁

去歲冬猶暖今年秋晚寒愆陽花結子驚颯葉
成癥記一年
之實事少睡知年老無愁任夜闌閉窻仍
怕冷山色倩人看

菊艷東籬下多依楓葉斑也無陶令酒多有景

公山凍雨摧蘭畹寒雲鎖竹關眼看星物換老
大稱心閑

昨夜風初勁仍驚白露霜細煙和灑氣微雨蘸
朝陽濯濯千山瘦蕭蕭衆草黃西堂情不耐聊
和宋生章

秋意

黃葉年年落銀河夜夜明但看星斗換不覺老
衰并對月欺孤影臨風笑此生千峯甘寂寞雲
物有誰爭

又

淡淡人情薄波瀾翻覆多貴時人適我富則我
驕他出岫雲無思盈庭月不阿唯應雲與月相
對絕誰何

又

山堂秋色淨一鴈叫清空夜冷枕無夢月明天
有風江山千古態人物百年中笑語寒更盡香
殘燭焰紅

夏意

水沈煙起日初長閑卧南窓枕簟涼二十四番
花信後一庭涼吹泛書床

秋晴即事

秋陽淡淡雨新晴
抱樹寒蟬噤不鳴
唯有四季開一朵
嫩紅明媚更多情

秋興

纍纍檇栗落東溪
飢鼠來偷唧唧啼
此是一年秋興老
溪煙枯草使人迷

秋日即事

簷外一鳥啼
新秋風物淒踈
藤垂樹倒喬木與
雲齊展盡消閑日
携策過小溪
利名塵不到偏
喜老蓬藜

十月初吉見殘菊寒蜂有感

藥冷枝疎不自由寒蜂來啜語伊憂減梅標格
君知不漏洩閑名接浪遊
清香到老猶芬馥冷藥終枯附花枝還似三閭
猶戀楚沅湘澤畔守憂思

秋興

啁啾新啞草虫鳴踈雨梧桐此日晴只欲費吟
吟未了半溪楓葉夕陽明

元日立春

洞庭春色間屠蘇玉律初回清夜徂絲菜盤中

堪卷餅線香燒
亦可圍爐暖凝梅
藥東風早星
換人間物象殊
多少去年愁與樂
不知今歲剩
添無

春寒

悄悄春寒不自聊
東風吹柳拂新條
擁衾側卧南窻下
時有山禽呼寂寥

初夏池上

黃梅半熟杏生仁
點點楊花覆白蘋
正是一年風景老
薔薇架下更逡巡

春咏二首

